



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1860

167. Markgraf Johann weist seinen Marschall Peter Burgsdorf an, dem
Moritz von Löben eine Zahlung zu leisten, am 21. Juli 1477.

Nutzungsbedingungen

[urn:nbn:de:hbz:466:1-55801](https://nbn-resolving.org/urn:nbn:de:hbz:466:1-55801)

166. Markgraf Johann beauftragt seinen Marschall Peter Burgsdorf, des von Sigmund Rotenburg's Hausfrau hinterlassenen baaren Geldes sich zu bemächtigen, am 17. Juli 1477.

Johanns, von gots gnaden Marggraue zu Brandenburg etc. Vnfern grus zuorn, lieber getrewer. Wir haben warlich verstanden, das Sigmund Rotenburgs huffraw, seliger gedechtnis, etwe vil gelts jn einem ledichen In einer Camern vff dem Slosz, do sy etwe Ir leger gehabt, ligen hab. Begern an dich zu sunderm fleys, du wollest dich zu Sigmund von Rotenburgs huffrawen seligen Swester fügen, Ir dy meynung furhalten, wy wir defz gelts halben vnser verstantnus mit Sigmund vnd vns sein hir Inne gemechtigt haben vnd wissen, das solch gelt vorhanden sey, den Sluffell dorvff mit bequemer weisz von Ir fordern vnd solch gelt suchen vnd annehmen In gegenwertikeyt Baltzar von lobbens oder wer dich darzu bequem deucht, vnd wesz von gelt vorhanden ist, vns das mit den altmerckischen zu schicken, als wir bericht sein jn zweyen oder dreyen tagen komen sollen, vnd keinen fleys hirinne sparen, als wir vns In sunderheyte zu dir wol versehen, mit gnaden zu erkennen. Datum vor der freyenstat, am donrstag nach dinstag apostolorum, Im LXXVII. Jar.

Vnferm marschalk, rate vnd lieben getrewen

Peter Borgstorff, zu sein hant.

Nach dem Originale des Königl. Geh. Staatsarchives.

167. Markgraf Johann weist seinen Marschall Peter Burgsdorf an, dem Moritz von Lobben eine Zahlung zu leisten, am 21. Juli 1477.

Johanns, von gots gnaden Marggraue zu Brandenburg etc. Vnfern grus zuorn. Lieber getrewer. Wir sind Moritz von lobben ein vnd viertzig gulden Rinisch schuldig. Begern an dich, so dir gelt von vnfern wegen zukomen wer, Im dieselbigen von vnfern wegen zu geben. Dar an tüft du vns zu danck. Datum vor der freyen stat, am montag nach dinstag Apostolorum, Im LXXVII. Jar.

Vnferm Rate vnd lieben getrewen

Peter Borxstorff, marschalk.

Nach dem Originale des Königl. Geh. Staatsarchives.